

古今圖書集成

□ 12
2940



尚書解叙



秦火而後六經殘缺。書爲尤甚。漢興改秦之敗。僅得伏生口授。後出於壞壁者。亦朽折散絕。百篇之義。世莫得聞。其存而傳者。有歐陽大小夏。及古文之學。當是時也。距

去五味均平藏



古未遠。其傳或出自七十子。雖穎門殊說。不能無紕繆。猶有可證。彼而知此者焉。自茲以還。諸儒各守章句。轉相傳述。未至于大背馳。道學興。而諸家第廢埽。除章句。歸諸心理。作三尺胸臆。度聖經。方寸其


賢者高自標目。不肖者汪洋自恣。夫道更數聖而成。大周天下之事。豈胸臆之所能測哉。以此爲註解。其與古悖也。止足怪已。至功令布。侯乎此。儒者奉爲不祧之宗。冥行擿埴。狂瞽相師。不知道者。卽古聖

帝王治天下之道也。嗟乎秦雖燔書而不能燔其道。猶在人。也。後世書雖具存。學者耳食。則道學之災。甚於秦燬矣。天之未喪斯文也。書雖缺典。謨畧存。簡雖脫。大旨可見。古稱書以道事。蓋道雖大。哉。書與

乎後。次者。不過事與言而已。卑卑焉。求諸事。言度乎。足以闕其一斑。迺妄不自揣。粵考古傳。罄淺聞。迹其可知者。闕不可識者。敢率愚淺。爲之解。其於復古。聊伸一臂之力。云。

尚書解卷一
享保乙卯仲冬朔旦

西播岡白駒千里誤



[Faint bleed-through text from the reverse side of the page, including characters like '西播', '岡白駒', '千里', '誤']

尚書解卷一 二典

西播 岡白駒千里 著

謹按古者言為尚書事為春秋左右二史分職之尚書是右史所記所謂二帝之迹三王之義是已。劉向七畧曰尚書直言也。秦漢置尚書官通章奏主詔命皆出納王言古之遺也。尚猶主也。或云尚古掌字省文。孔安國以為上古之義益失之矣。

虞書堯典第一



二典稱虞書其來久矣。三謨古謂之夏書。左傳可徵。蓋以此書成於夏時。故二典三謨皆曰曰若稽古。馬融鄭玄王肅別錄題皆曰虞夏書。後儒遽見堯典載舜登庸事。三謨皆為舜謨者。乃謂虞字一而足矣。夏字無謂。遂去夏字而併三謨。皆稱虞書。大失古義。

昔在帝堯。聰明文思。光宅天下。將遜于位。讓于虞舜。作堯典。

此為小序。鄭玄馬融王肅並云孔子所作也。未

詳所據。後儒雖有說。皆取諸臆而言耳。爾雅云。光充也。堯之德充庇于天下。使天下人居其德中。譬如人居宅中。故曰光宅天下。

曰若稽古帝堯。

曰若發語辭。司馬遷以放勳為堯之名。則堯為諡矣。此本于大戴禮五帝德也。孔安國以堯為名。蓋以上古質朴。帝王之號皆以名。宋儒宗之。馬融諸人以堯為諡。以夏商前以號為諡。然諡法始於周。孔安國為是。

曰放勳欽明文思安安。

曰者。史述之之辭。放效也。檀弓云。吾將安放勳功也。謂堯效天致功化也。故亦以爲堯之號。其實非名。效天。卽則天也。論語云。大哉堯之爲君也。魏魏乎。唯天爲大。唯堯則之是也。欽敬也。明。聰明也。大。氏明知者。多自賢。自能。惟堯敬天奉天。不敢自用其明。故曰欽明。雖聖人不能獨治天下。必得其人。乃治成焉。得人在知人。驩兜之舉。共工四岳之薦。鯀堯已知其行。衆未知之。其且從衆。不敢自用明。

也。若非堯聰明。則裔土多凶族。兆民長愁苦矣。在上者尚明哲。何者。係於下民之安與否也。堯之德衆美無不備矣。而讚其德以欽明爲先。爲此故也。曾參之孝。隣于有虞。然不得與游夏列在四行之科。以其才不如也。管仲背君事讎。奢而失禮。然孔子稱其仁。以其才與功也。夫濟世安民之功。非才何以能被天下萬世哉。文者。謂禮樂也。易云。文明以止。人文也。觀乎人文。以化成天下。是文謂禮樂也。夫在天則日月星辰謂之天文。在地則山川州。

木謂之地理。在人則禮樂謂之人文。堯思所以安天下萬世。非禮樂不可也。伏羲神農黃帝皆聖人也。而其所爲。不過利用厚生之事。時勢然也。亦未暇及禮樂。堯之時。利用厚生之道。既大備矣。故堯之思在茲焉。謂之文思安安。安安謂安民也。古書多重語。禮樂之化。不期然而然。譬如天之生物。故曰唯堯則之。又曰蕩蕩乎民無能名焉。皆禮樂之化也。放勳之謂也。

允恭克讓。光被四表格于上下。

孔安國云。允信。克能也。不自賢。不自能。不敢輕視人之謂恭。蓋堯雖知而咨四嶽。而且用鯀。是恭也。登庸於舜。是克讓也。其德充被于四方之外。故曰光被四表。上自天祐之。下兆民負戴。其崩也。如喪考妣。三載四海遏密八音。是格于上下也。格者感格也。謂彼感應此也。

克明俊德。以親九族。

俊大也。德得也。謂人各有所得乎身。或得諸性。或得諸學。皆因性殊焉。性人人殊。則德亦人人殊矣。

雖聖人不能強。各隨其性所近。養以成其德。惟其道大。自非聖人莫能合於道之大。故堯稱俊德。明者明示之。謂惟在上。稱明德。治天下。有九經。修身爲先。修身之實。本於孝弟。及於天下。自近始。故明示大德。先以親九族。孟子所謂堯舜之道。孝弟而已矣。是之謂也。

九族既睦。平章百姓。百姓昭明。協和萬邦。黎民於變時雍。

此言自孝弟始。以協和萬邦也。平章。史記作便章。

今文作辯章。此言長幼之序。章明則當從辯章。下平秩。平在倣此。鄭玄云。百姓羣臣之父子兄弟也。於嘆美辭。時是雍和也。章明以和爲尚。言上之所爲。下倣之。衆民變化。風俗大和也。論語云。孝弟也者。其爲仁之本與。此之謂也。

○乃命羲和。欽若昊天。曆象日月星辰。敬授人時。農者民之本也。人命係焉。而農之要在殷氣節。故次上章。以敬授人時。孔安國云。重黎之後。羲氏和氏。世掌天地四時之官。若順也。元氣昊然。廣大。

稱天曰昊天。曆歷通數之也。象猶法也。史記曆象作數法。言算日月行道所歷。以法於其數也。辰日月所會也。

分命羲仲。宅嵎夷。曰暘谷。寅賓出日。平秩東作。□□

此治東方之官。耕事屬焉。按仲叔亦羲氏和氏之子。其掌四時者。字曰仲叔。則掌天地者。其曰伯矣。宅居也。東表之地。稱嵎夷。淮南子云。日出於暘谷。寅敬也。賓晨迎出日也。以候其氣節也。平讀爲辯。

秩序也。辯序謂辯明次序。以勸課也。日出於正東。民始就耕之時也。以東日與耕作。故曰東作。

日中星鳥。以殷仲春。厥民析。鳥獸孳尾。

孔安國云。日中謂春分之日。鳥南方朱鳥七星。殷正也。此時鳥星畢見。以正仲春之氣節。轉以推則季孟可知矣。析分也。冬寒無事。民皆入室。處春事既起。丁壯出就耕。老弱仍居室。故曰厥民析。孳乳化也。尾交接也。紀鳥獸者。捕之有時也。

申命羲叔。宅南交。平秩南訛。敬致。□□

此治南方之官。督農之事屬焉。申重也。司馬貞云。南交交趾也。古文畧舉一字名地。孔安國云。訛化也。言成長化育五穀也。按命義和下。曰敬授人時。此條亦曰敬致。則疑東作下。西成下。朔易下。並脫敬云云四字。而此敬致下亦脫二字。

日永星火。以正仲夏。厥民因。鳥獸希革。

孔安國云。永長也。日長。謂夏至之日。火蒼龍之中星。舉中則七星見。可知矣。以正仲夏之氣節。季孟亦可知矣。因謂老弱因就在田之丁壯。以助農也。

夏時鳥獸毛羽希少。改易革改也。

分命和仲。宅西。曰昧谷。寅餞納日。平秩西成。

此治西方之官。收斂之事屬焉。孔安國云。日入于谷。而天下冥。故曰昧谷。餞送納入也。日出曰賓日。入曰餞。蓋史之脩辭也。日入於正西。萬物成之時也。故曰西成。上古無爲安民之道。務專在農。故東作。以至西成。皆勸農事也。按文記西下有土字。疑亦脫。

宵中星虛以殷仲秋厥民夷鳥獸毛毼

宵夜也夜中謂秋分之時春曰日中秋曰夜中互相備也孔安國云虛玄武之中星夷平也老壯在田與夏平亦以助苜收也毼理也毛更生整理

申命和叔宅朔方曰幽都平在朔易

此治北方之官交易之事屬焉易大傳云日中為市致天下之民聚天下之貨交易而退各得其所是交易者民事之急者也故次農以交易朔方北方也都人所聚也北方幽陰故曰幽都在察也朔

易交易也交易曰朔易猶耕作曰東作也市在於北故曰朔易惟王建國辨方正位左祖右社面朝後市是市在於北先王相傳之制也舊說為改易之義非也

日短星昴以正仲冬厥民隩鳥獸氄毛

孔安國云日短謂冬至之日昴白虎之中星隩室也冬日民入於室以避風寒馬融云氄溫柔貌鳥獸皆生與毳細毛以自溫焉視民之隩使謹冬藏亦以防春夏疫札也自厥民析至於此皆莫非勸

民事聖人於民至矣盡矣先王之道治天下之道也安民之道也豈不然哉

帝曰咨汝羲暨和朞三百有六旬有六日以閏月定四時成歲

咨嗟歎辭暨與也孔安國云匝四時曰朞朞三百六十六日舉全數也其實周天三百六十五度四分度之一是天度數也而日行遲一歲一周天則一朞三百六十五日四分日之一也月行疾一月一周天日一日行一度月一日行十三度十九分

度之七至二十九日半彊月行天一匝又逐及日而合年十二會是為十二月矣每月二十九日彊半年分出小月六日是每歲餘六日又大歲三百六十六日小歲三百六十五日舉全數云六十六日其實唯餘十一日弱未滿三歲已成一月則置閏焉若三年不置閏則正月為二月九年差三月則春為夏矣四時不立而歲不成故曰以閏月定四時成歲

允釐百工庶績咸熙

釐治也。百工百官也。凡有職事者皆是也。績功成皆熙廣也。言定四時成歲曆以告時授事則能信治百官衆功皆興也。蓋史稱其善也。

○帝曰疇咨若時登庸放齊曰胤子朱啓明帝曰吁嚚訟可乎。

孔安國云疇誰庸用也。言誰能順是事者將登用之。放齊臣名。鄭玄云胤嗣也。朱丹朱啓開也。吁疑怪之辭。言不忠信爲嚚。又好爭訟可乎。言不可。

帝曰疇咨若予采驩堯曰都共工方鳩倖功。

爾雅云采事也。驩堯臣名。都歎美之辭。共工官稱。方史記作旁。改用訓解字。言無方而不鳩也。鳩聚也。馬融云倖具也。方方能聚。皆具其功也。

帝曰吁靜言庸違象恭滔天。

靜謀象似滔慢也。滔史記作漫。漫漫古通用。言善謀言而用之則違矣。形貌似恭而心慢天。蓋先王之道以敬天爲本。奉天道以行之。故百官皆與其君供天職者也。君子之心毋不敬。本於敬天。共工慢天。故堯以此不可。夫放齊之諛上驩堯之黨醜。

共工之慢天。宜不在於聖人之朝。然聖人無棄物。不求備於一人。惟用其才。則咸爲其用焉。共工驩。堯後爲舜所流放。則蓋自放肆。不從其御耳。初立於堯朝也。堯非不知也。亦惟用其所長也。放齊才不及二子。但諛焉爾。無復太害。故不在於流放之列。如二子有才而無行者也。惟其有才。是以得立於朝也。有才者自放肆。則其害不細矣。後世篡弒之臣。多是形貌似恭。而心不敬天者也。

○帝曰。咨四岳。湯湯洪水方割。蕩蕩懷山襄陵。浩浩

滔天。下民其咨。有能俾乂。

孔安國云。四岳。卽上羲和之四子。鄭玄云。堯旣分陰陽爲四時。命羲仲和仲羲叔和叔等爲之官。又主方岳之事。是爲四岳。湯湯。廣平貌。洪。大割害也。方割。言方方爲害也。蕩蕩。奔突貌。懷。包裹上也。浩浩。盛大貌。滔。漫漫也。包。山上陵。若漫天。皆語其勢也。俾。使乂。治也。言洪水方割。下民咨嗟憂苦矣。有能治之者焉。將使之。或曰。滔天。上章以爲慢忽。此以爲漫漫。一篇之內。不當若是乖張。曰事不必一。

時記不必一人。古者字多假借。史記上章作漫天。此仍作滔天。則音義固別。可以見已。且司馬遷據二典作堯舜本紀。或其所見別本不同矣。如上章滔天。為漫漫。則終不成義。

僉曰。於鯀哉。帝曰。吁。咈哉。方命圯族。

僉皆也。孔安國云。凡言吁者。皆非帝意。咈。戾也。方。比方。抗抵之謂。故為違負之義。圯。毀。族。類也。謂毀善類。詩云。貪人敗類。

岳曰。異哉。試可。乃已。帝曰。往。欽哉。九載績用不成。

異已。已。退也。言不試可已哉。惟試之可也。不可用。乃退之耳。於是聽岳用鯀。勅以欽哉。堯之聰明。豈不知鯀不可用乎。而用之者。屈已之明。以因衆之心也。然九載功用不成。則其明不可罔矣。曰。欽明。曰。允。恭。豈其不然哉。

○帝曰。咨四岳。朕在位七十載。汝能庸命。巽朕位。岳曰。否。德忝帝位。

堯老將求代。故發此言。命。謂天命也。孔安國云。巽。順。否。不忝辱也。言汝四岳能用天命者。入順我帝。

位之事乎。岳曰。不德如何。辱帝位哉。言己等不堪也。

曰。明明揚側陋。師錫帝曰。有鰥在下。曰虞舜。

明明亦重語也。師衆錫與也。古者通乎上。下皆曰錫。錫。帝言于帝也。無妻曰鰥。

帝曰。俞。予聞如何。

俞。然也。然其所舉而言我亦聞之。其德行如何。

岳曰。瞽子。父頑。母嚚。象傲。克諧以孝。烝烝乂。不格姦。無目曰瞽。孔安國云。舜父有目不能分別好惡。故

時人謂之瞽。是以瞽爲惡稱也。然其下曰父頑。既稱瞽。則不當復曰頑矣。司馬遷以爲實無目。近是。心不則。德義之經。爲頑象。舜弟之字。諧和烝。進也。烝烝亦重語也。言舜能和以至孝。進之於善。不使至於姦惡也。

帝曰。我其試哉。女于時。觀厥刑于二女。

女。妻也。刑法也。詩云。刑于寡妻。

釐降二女于媯汭。嬪于虞。帝曰。欽哉。

媯。連於上絕句。孔安國屬於下句。非也。降。下也。

天子，女適民。故曰降。媯汭，舜所居水之汭。嬪，婦也。言婦于虞氏也。欽哉，堯戒二女之辭。

虞書舜典第二

謹按。故書二典合為一。孟子引二十有八載。放勳乃徂落。而題曰堯典。可以徵已。陸德明云。曰若以下十二字。是姚方興所上。孔氏傳本無方興本。或此下更有濬哲以下十六字。凡二十八字。按先是東晉梅頤上孔氏傳。猶闕曰若以下二十八字。分二典為二篇。自方興本始。

虞舜側微。堯聞之。聰明將使嗣位。歷試諸難。作舜典。

舜在側陋。微賤。故曰側微。歷試諸難。試以治民之難事也。

曰若稽古帝舜。曰重華協于帝。

華，文也。謂禮樂也。舜重續堯文。思其心能合于堯。故曰重華協于帝。亦以為舜之號。

濬哲文明。溫恭允塞。玄德升聞。乃命以位。濬，深。哲，智也。知人任賢。是濬哲也。禮樂俟舜而興。

故曰文明溫寬柔也。塞實也。劉向新序及韓詩外傳皆詩允塞爲至誠動物之謂是也。慎徽五典五典克從賓于四門四門穆穆是允塞也。玄黑溪之名舜之在側微也。其德未著顯故以玄德稱之。升聞天朝遂見徵用。按後儒吳澂梅鷟焦竑之輩皆疑此二十八字後人所僞補也。然大戴禮史記既有重華文且如重華協于帝之能盡舜決非後人之能所言矣。卽雖非舜典原文蓋出於七十子之徒云。

慎徽五典五典克從納于百揆百揆時叙賓于四門四門穆穆。

爾雅云。徽善也。善五典謂善修五教也。父義母慈兄友弟恭子孝皆無違教。故曰五典克從。鄭玄云。益試以司徒之職揆度也。納于百揆使揆百事也。謂統百官之事百揆時叙無廢事也。謂官皆得其人。左傳云。舜臣堯舉八愷以揆百事莫不時序是也。四門四方之門。穆穆深遠之意。益謂人君之敬容也。言舜於四門賓迎諸侯之朝者諸侯皆穆穆。

敬容。是皆舜德至誠之所格。所謂溫恭允塞也。
納于大麓。烈風雷雨弗迷。

孔安國云。麓。錄也。使舜大錄萬機之政。陰陽和風雨時。各以其節。不有迷錯。愆伏。此言舜德應于天也。

帝曰。格。汝舜。詢事考言。乃言底可績。三載。汝陟帝位。舜讓于德弗嗣。

孔安國云。格。來。詢。謀。乃。汝。底。致。陟。升。也。君之馭臣。必三年考績。堯召舜曰。來。汝舜。汝所謀事。我考汝。

言。汝言致。可以成功。三年矣。汝宜陟帝位。將禪之也。而舜推以有德人。不敢嗣也。

○正月上日。受終于文祖。

上日。朔日也。受終。謂受堯之終也。蓋堯告祖廟。使舜受也。文祖者。堯大祖也。

在璿璣玉衡。以齊七政。

璿璣玉衡。正天文器也。漢以來謂之渾天儀。七政。日月五星也。謂之政者。易稱。觀乎天文。以察時變。春夏秋冬者。政之大者也。故曰政齊云者。觀其齊。

與不齊也。孔安國云。以審審當天心與否也。下文曰肆類于上帝。則七政齊可知矣。

肆類于上帝。禋于六宗。望于山川。徧于羣神。

肆。遂也。兩事辭。類。祭名。非時祭。天謂之類。爾雅云。禋。祭也。國語云。精意以享。曰禋。孔安國云。六宗。四時也。寒暑也。日也。月也。星也。水旱也。戴記云。埋少牢於泰。昭。祭時也。禳。祈於坎壇。祭寒暑也。王官。祭日也。夜。明。祭月也。幽宗。祭星也。雩宗。祭水旱也。是也。望亦祭名。山川。遙望而祭。故曰望。爾雅云。梁山。

晉望也。山川。謂五岳四瀆之屬。徧徧祭也。孔安國云。羣神。謂丘陵墳衍。古之聖賢也。

輯五瑞。既月乃日。覲四岳羣牧。班瑞于羣后。

輯。斂。既。盡。班。賦。后。君也。羣后。即羣牧也。輯。五瑞。謂斂。公侯伯子男之瑞。圭璧也。羣后。來覲。遠近有先後。故限以盡正月。乃日日令之覲。以所斂之瑞。更班于羣后也。堯將禪舜。使斂羣后之瑞。而親班之。以與之正始也。

歲二月。東巡守。至于岱宗。柴望秩于山川。肆覲東后。

諸侯爲天子守土。自專一國。威福在己。恐其擁遏上命。澤不下流。故巡守者。巡行所守。以問民疾苦也。岱宗泰山也。爲四岳所宗。故曰岱宗。柴燔柴也。爾雅云。祭天曰燔柴。以告至焉。又以秩望祭東方諸侯境內。名山大川。遂見東方之國君。秩者。五岳視三公。四瀆視諸侯。其餘視伯子男。是也。協時月正日。同律度量衡。脩五禮五玉三帛二生一死。贄如五器。卒乃復。協合也。時月日。四時之氣節。月之大小。日之甲乙。

也。協正之。使齊一也。如周禮。頒正朔於邦國。律六律也。度丈尺也。量斗斛也。衡斤兩也。度量衡之數。本起于黃鍾之律。故同之首以律。五禮。吉凶軍賓嘉也。五玉。五等諸侯所執。卽五瑞也。鄭玄云。執之曰瑞。陳列曰玉。三帛。纁玄黃也。孔安國云。諸侯世子執纁。公之孤執玄。附庸之君執黃。二生。羔雁也。羔雁性馴。可生爲贄。卿執羔。大夫執雁。羔取其羣。不夫類。雁取其候時而行也。一死。雉也。雉性不馴。不可生爲贄。士執雉。取其守介。死不夫節也。贄執

也。執所以見君也。禮有因革損益。故曰脩。卒終復還也。五噐。卽五玉也。如五玉。禮終則還之。三帛以下則否。

五月南巡守。至于南岳。如岱禮。八月西巡守。至于西岳。如初。十有一月朔巡守。至于北岳。如西禮。歸格于藝祖。用特。

孔安國云。南岳。衡山也。自東岳南巡。五月乃至。西岳。華山也。朔北也。北岳。恒山也。如岱禮。如初。如西禮。各承上文言之。皆如岱宗禮也。藝文也。藝祖。卽

文祖也。特。一牛也。巡守。四岳。然後歸。告至文祖之廟也。

五載一巡守。羣后四朝。敷奏以言。明試以功。車服以庸。

鄭玄云。巡守之年。諸侯見于方岳之下。其間四年。四方諸侯。皆朝于京師。是天子一巡守。諸侯四朝也。敷。陳奏進也。民功曰庸。使諸侯朝者。各陳進治理之言。試之。以功。有功則賜車服。

○肇十有二州。封十有二山。濬川。

肇始也。馬融云。禹平水土。置九州。舜以冀州之北
廣大。分置幽州并州。又分青州置營州。始為十有
二州矣。積土增山曰封。蓋每州之各山。封以祭之。
以為其州之鎮也。有流川則深之。使通利。
象以典刑。流宥五刑。鞭作官刑。朴作教刑。金作贖刑。
眚災肆赦。怙終賊刑。欽哉。欽哉。惟刑之恤哉。

象所以示也。典常也。象以典刑。謂立常刑也。流放
宥寬也。孔安國云。以流放之法。寬恤五刑。五刑之
說見于下。以鞭為治官事者之刑。故曰官刑。朴。榎

楚也。不勤道業。則撻之。故曰教刑。金。黃金也。誤而
入刑。出金贖罪。故曰贖刑。眚。過也。害物曰災。肆。緩
也。終。無改悔也。賊。殺也。言過而有害。當緩赦之。怙
。自終。當刑殺之。君子知恥。故鞭朴之設。足以禁
之。小人無忌憚。故有賊刑之設。欽哉。戒治事者之
辭。惟刑之恤哉。欲待之以哀矜之心也。

流共工于幽洲。放驩兜于崇山。竄三苗于三危。殛鯀
于羽山。四罪而天下咸服。

共工象恭滔天。果淫辟。故流放之。幽洲。北裔也。水

中可居者，曰洲。雖能薰於共工，罪惡同。崇山、南裔也。三苗，國名。緡雲氏之後，為諸侯。天下之民謂之饗饗，是也。三危，西裔也。鯀方命，圮族，而績用不成，故殛之。羽山，東裔也。在海中，竄殛，皆放流之名。異其文，述作之體也。天下咸服，服其明也。孔安國云：先叙典刑，而連引四罪，明皆徵用所行，於此總見之。

○二十有八載，帝乃殂落。百姓如喪考妣。三載四海遏密八音。

自正月上日，受終於文祖。至此二十八年也。舜攝政二十八年而堯崩。爾雅云：殂落，死也。郭璞云：古者死，以尊卑同稱耳。百姓，謂萬民也。考妣，父母也。四海，云者，言盛德恩化所及者遠也。八音，金石絲竹匏土革木也。

○月正元日，舜格于文祖。孔安國云：月正，正月上日也。舜服堯喪三年畢，將即天子位，故復至文祖廟告。

詢于四岳，關四門，明四目，達四聰。

詢謀也。闢四門。謂致四方賢者。明通四方耳目也。故曰明四目達四聰。

咨十有二牧。曰食哉惟時。

咨訓謀非也。咨嗟歎辭。與咨汝義咨四岳之咨同。呼而告之也。告之曰安民之要在足民食而民食之本在於務農。故曰惟時。謂敬授民時也。

柔遠能通。惇德允元。而難任人。蠻夷率服。

柔安通近。惇厚也。元君人之德也。易乾為天。乾君卦也。乾德之首曰元。夫人君奉天道以行。能則乾

元。使民皆資于君而安焉者也。故君人之德。命之

曰元。治民之道。不能獨為。在知善人任之。能為衆

善人之長也。文言所謂元善之長是已。孔安國引

文言。漢儒存古義。如此。爾雅云。任佞也。難拒也。言

懷柔遠人。先能安近。厚行德則信足以為元。斥遠

佞人則德能下流。近者說則遠者來。故曰蠻夷率

服。

○舜曰咨四岳有能奮庸熙帝之載使宅百揆亮采
惠疇。

孔安國云。奮起載事也。爾雅云。亮相惠順也。時衆也。舜訪四岳曰。有能起用廣堯之事者。使居于百揆相事以順衆度。

兪曰。伯禹作司空。帝曰兪咨禹。汝平水土。惟時懋哉。伯爵也。懋勉也。孔安國云。四岳同辭而對。禹代鯀爲崇伯。入爲天子司空。治洪水。有成功。言可用之。舜然其所舉。稱禹前功以命之。汝居于百揆。惟是勉哉。

禹拜稽首。讓于稷契暨臯陶。帝曰兪。汝往哉。

孔安國云。稽首首至地也。稷農官。謂棄也。契臯陶二臣名。舜然其所推之賢。不許其讓。敕使往居于百揆也。

帝曰。棄黎民阻飢。汝后稷播時百穀。

孔安國云。阻難播布也。鄭玄云。時讀曰蒔。言黎民惟難於飢。汝后稷布蒔百穀以濟之。

帝曰。契百姓不親。五品不遜。汝作司徒。敬敷五教。在寬。

五品。父母兄弟子也。遜順也。司徒。教官也。五教。卽

五典也。見于上。言百姓之不親。五品不順。故也。汝作司徒。敬敷五教。夫攻惡勸善。法家之道也。舉善教不能。聖人之教為爾。務在寬教之術也。
帝曰。皋陶。蠻夷猾夏。寇賊姦宄。汝作士。五刑有服。五服三就。五流有宅。五宅三居。惟明克允。
孔安國云。猾亂也。夏華夏也。羣行攻劫曰寇。殺人曰賊。鄭玄云。由內為姦。起外為宄。士理官也。五刑。墨劓剕宮大辟也。服謂刑當其罪而人服之也。言蠻夷猾夏。本寇賊姦宄之所致也。謂彼乘此寇賊

姦宄而入也。汝作士。五刑當有服。服罪者當就三處刑。大罪於原野。大夫於朝。士以下於市。故曰五服三就。其五刑之不忍加者。乃當以流宥之。五刑之流。各有所宅。故曰五流有宅。居之以三等。大罪四裔。次九州之外。次千里之外。是也。故曰五宅三居。斷罪惟明之尚。刑當其罪。則人信服。故曰惟明克允。
帝曰。疇若予工。僉曰垂哉。
垂。臣名。舜問誰能順予百工事者。朝臣皆舉垂。

帝曰俞。咨垂汝。共工。

共工，官名。主百工事。按汝下疑脫作字。

垂拜稽首。讓于殳斨。暨伯與。帝曰俞。往哉汝諧。

殳斨，伯與，二臣名。諧，協也。汝諧，汝能協于此官也。

帝曰疇。若予上下草木鳥獸。兪曰益哉。帝曰俞。咨益

汝作朕虞。

孔安國云。上謂山下謂澤。順謂施其政教。取之有

時。用之有節也。兪曰。伯益能之。虞掌山澤之官。

益拜稽首。讓于朱虎。熊羆。帝曰俞。往哉汝諧。

朱虎。熊羆。二臣名。在元愷之中。

帝曰咨四岳。有能典朕三禮。兪曰伯夷。帝曰俞。咨伯

汝作秩宗。夙夜惟寅。直哉惟清。

典，主也。三禮，天神人鬼地祇之禮也。伯夷，臣名。孔

安國云。姜姓。秩宗，掌三禮之官。即周太宗伯也。直，

不枉也。無所嫌於心。乃可以交神明。故曰直哉。清，

潔清也。齊明盛服。可以事鬼神。故曰惟清。

伯拜稽首。讓于夔龍。帝曰俞。往欽哉。

夔龍，二臣名。亦然其賢。不許讓。

帝曰夔命汝典樂教胥子。

孔安國云宵長也。謂元子以下至卿大夫子弟。以歌詩蹈之舞之。教長國子中和祇庸孝友。樂之感人。能成是六德。

直而溫。寬而栗。剛而無虐。簡而無傲。

聲樂之道。不得其正。則靡靡亦由此出焉。故勅以此四事。皆語其聲也。栗戰栗也。直則乏於溫。寬則流於慢。故教之以正直而溫。和寬弘而能戰栗也。剛失之虐。簡失之傲。故教之以防其失。

詩言志。歌永言。聲依永。律和聲。八音克諧。無相奪倫。神人以和。夔曰。於予擊石拊石。百獸率舞。

在心爲志。發言爲詩。故曰詩言志。言之不足。故永。歌之。歌之。所以長言。詩之意也。故曰歌永言。聲謂五聲。宮商角徵羽也。依謂相依而不相離也。律六律也。和如五味之和。謂彼此不戾也。樂聲之曲折。與永歌相依。五聲之清濁。與律呂不戾。故曰聲依永。律和聲。倫。理也。無相奪倫。論語所云。皦如也。是也。謂其音節分明也。八音能相和。無相奪倫。理乃

薦之郊廟。祖考來格。施之閨門。五品相和。故曰神人以和。石磬也。磬音之清者。拊亦擊也。舉清者和。則其餘皆從矣。樂感動百獸。則神人和可知矣。夔以此荅舜。樂得其正。亦可以見已。愚按。凡事有所統而後立焉。百揆百官之首。故先命以首揆。安民之要在足民食。故次命以稷。食足而後教可施。故次命以司徒。刑所以弼教也。故次命以士。工以利天下之用。虞以給民之財。故次之以工。以虞夫然後禮樂以化之。故次之以禮樂。夫禮莫大於祭祀。

先王之道。本諸天。祭天以祖考配之。其道所由出也。故禮三禮為先。而禮之守甚嚴。嚴則不能持。人情為爾。是故聖人以樂配禮。禮以教中。樂以教和。經禮三百。威儀三千。物為之則曲為之制。賢者俯而就之。不肖者企而及之。故禮謂之中。夫樂者樂也。人情之所不免也。人心之動物使之然。感物則形於聲。凡姦聲感人而逆氣應之。正聲感人而順氣應之。故聖人率人情所樂。制之正聲。以導之。使其聲足以樂而不流。其文足以辨而不認。使其曲

直繁省。廉肉節奏。足以感動人之善心。使情和順於道德。使夫放辟邪汚之氣。無由得接焉。故宗廟之中。君臣上下同聽之。則莫不和敬。閨門之內。父子兄弟同聽之。則莫不和親。族黨鄉里之中。長少同聽之。則莫不和順。故樂謂之和。君子以成其德。小人以成其俗。不知不識。順帝之則。是禮樂之教化之也。

帝曰。龍朕聖讒說殄行。震驚朕師。命汝作納言。夙夜出納朕命。惟允。

孔安國云。聖疾殄絕也。謂善行為惡行。謂惡行為善行。是殄行也。震動也。納言。喉舌之官。聽下言。納於上。受上言。宣於下。言我疾讒說絕行。而動驚我衆。汝作納言。夙夜出納我命。惟必以信。人云。納言。帝曰。咨汝二十有二人。

禹。稷。契。皋陶。垂。益。伯夷。夔。龍。與十有二牧。凡二十有一人。而少一人。其一人未詳。孔安國馬融。數四岳。而遺稷契皋陶。以合其數。謂禹垂益伯夷夔龍六人。新命。故特敕命之。稷契皋陶。居官已久。故不

一須復敕也。然四岳十有二牧。非亦新命者矣。此說不可從。蓋四岳分掌方岳之諸侯。其任與二十二人不殊矣。故不在此數耳。人君受天命有天下。奉天道以行。故羣臣居其官。欽哉。惟時亮天功。惟是相天功。三載考績。三考黜陟。幽明庶績咸熙。分北三苗。孔安國云。三年有成。故以考功。九歲則能否幽明。

有別。黜退其幽者。升進其明者。於是衆功皆廣矣。北背也。所竄三苗爲西裔。諸侯者。猶不從化。其君臣有善有惡。乃復分背流之。不令相從。善惡明也。此以下。蓋史述之也。舜生三十徵庸。三十在位。舜年三十而始見徵用。歷試二年。攝位二十八年。凡三十年。故曰三十在位。五十載陟方乃死。舜踐帝位五十年。凡壽百一十二歲而崩。司馬光

云。昔舜命禹曰。朕耄期倦于勤。汝惟不怠。總朕師。是以天子爲勤。故老而使禹攝也。夫天子之職。莫勤於巡守。而舜猶親之。卒死於外。而葬焉。惡用使禹攝哉。是必不然。陟方乃死。孔安國以爲升道南方。巡守而死。禮記亦稱舜葬於蒼梧之野。皆如太史公之言。予獨以爲不然。陟方云者。言舜在帝位。治天下。五十載。升於至道。然後死耳。明儒周洪謨亦云。舜年老。自謂倦于勤。而命禹居攝。豈有百有餘歲之後。其衰已甚。而又南涉大江。深入蠻夷之

地哉。爲此說者。惑于陟方乃死之文耳。今按韓子謂竹書紀年。帝王之歿。曰陟。師古云。古謂掘土爲壙。曰方。是時舜年已老。故垂死之際。先定其壙。而后乃死。愚按舜不當死於巡守之地。則誠如二公之論也。其以陟方爲升於至道者。是後世理學之說也。夫道者。聖王治天下之道也。禮樂刑政之外。豈有所謂至道者哉。又引竹書紀年。帝王之歿。曰陟。然既曰陟方。又曰乃死。則不可以彼解此也。如謂掘土爲壙。曰方。其說甚僻矣。愚謂陟方。固謂巡

守也。夫巡守者。當時天子之先務也。爲安民也。天子之政。安民莫以尚焉。故天子執政。以陟方。稱之耳。亦以明舜之勤也。五十陟方。乃死。謂執天子政。五十年。乃崩也。其葬於蒼梧之野。蓋或遺命爾。亦如太公。反葬於周。必有以矣。檀弓云。舜葬於蒼梧之野。未嘗曰死於蒼梧之野。其曰死於蒼梧之野。自孔安國司馬遷創之。

尚書解二典終

寶曆二壬申十月大坂書肆

高麗橋一丁目 淺野彌兵衛藏板

藏版目錄

大坂書林

高麗橋壹丁目藤屋 淺野彌兵衛

繪本福壽艸 <small>大岡春上画 艸花繪本</small>	三冊	日本武士鑑 <small>諸國敵打</small>	五冊	天桂老人報恩篇 <small>三冊</small>
同 唐紅	三冊	書經二典解 <small>岡白駒作</small>	一冊	高峰語錄
似錦集 <small>大岡春上画 繪卷句</small>	二冊	山月詩集 <small>黃壁元鶴雲作</small>	二冊	人天眼目金鏡
町方書札集 <small>玉置流</small>	一冊	徐天目集 <small>蛭巖先生校 全部板行未刻</small>	一冊	大悉曇雲替古錄 <small>寂巖作</small>
書狀文集 <small>堀流水軒</small>	一冊	古詩礎	一冊	摩多躰文綱要
今川 <small>同筆 折本</small>	一冊	糺物語	二冊	梵網經資講鈔 <small>通秀作</small>
同 松齋筆	一冊	愛執怪異錄	二冊	同引據
草決百韻歌 <small>晋王羲之 石刻</small>	一冊	雞窻解頤 <small>小說書 藤洲先生譯</small>	一冊	同增補
程陽峯石摺	一帖	自性錄 <small>月笠作</small>	一冊	三教指歸簡注 <small>同</small>

克己銘

廣澤行書
石刻一冊

藥師瑞應傳

超海峽
五冊

教戒義指要抄

同
二冊

筆道啓蒙抄

同續

同
五冊

八齋戒得道抄

同
二冊

實語教童子教

同塵露集

同
六冊

宗要資糧鈔

同
一冊

同抄

隨求感應傳

同
三冊

光明真言勸發記

同
一冊

式例小謠松葉袋

懷中本
一冊

不動靈應記

後列是成
院作四冊

即身義圓鏡鈔

同
一冊

百壽小謠千歲箱

地藏利生記

六冊

六物圖略解

同
一冊

食物歌本艸

續鑛石集

本淨比丘作
六冊

二時食作法補注

同
一冊

寬永行幸記

清上洛之記
三冊

諸佛應見好書

大課誦

快入
折本
三冊

大坂役鑑

稱讚淨土經駕說

月筌
四冊

圓光大師法語

平加
一冊

大日本大繪圖

大名居城
知行高
未刻

雛形千代乃秋

三冊

愚鈍念佛集

同
一冊

